



## **Aningaasaqarnermut Naalakkersuisoq**

### **Aningaasaqarnermut Ataatsimiititaliap suliaq nr. 01.31.06/11-00549 pillugu pingasunngornermi ulloq 7. september 2011-mi aalajangiineranik Naalakkersuisunut ilisimatitsineq.**

### **Meeqqanut inuusuttunullu tunngasuni immikkut ittumik suliniuteqarnissaq siunertaralugu Peqqinnissaqarfimmut ilassutitut aningaasaliissuteqarnissaq**

Naalakkersuisut **inassutigaaat**,

- Konto pingaarnermi 34.11.03-mi, Dronning Ingridip Napparsimmavissuanut tunngasumi, aningaasaliissutit 680.000 kr.-inik amerlineqassasut,
- Konto pingaarnermi 34.11.01-imi, Napparsimasut timikkut nappaatillit nunani allani katsorsarneqartarnerannut tunngasumi, aningaasaliissutit 1.320.000 kr.-inik amerlineqassasut,
- Konto pingaarnermi 30.10.45-mi, Meeqqat inuusuttullu immikkut ittumik suliniuteqarfigineqarnerannut tunngasumi, aningaasaliissutit 2.000.000 kr.-inik ikilineqassasut.

### **Aningaasaqarnermut Ataatsimiititaliap oqaaseqaatai**

Meeqqat utaqqisunut allatsissimasut ikilisarneqarnissaannut suliniutit arlallit aningaasalersornissaat siunertaralugu aningaasaliissutinik nuussinissaq Naalakkersuisut qinnutigaaat.

Nakungasunik pilataanernut qulinut, tusaaniarnermik pitsanngorsaataasumik pilataanernut 20-inut aammalu meeqqat tarnikkut nappaataannik immikkut ilisimasallip aammalu tarnikkut nappaatinik ilisimasallip sapaatip akunnerini marlunni misissuinissaannut aningaasat qinnutigineqarput.

Meeqqat suliaritinnissamut misissortinnissamullu utaqqisutut allatsissimasut ikilisarniarlugit suliniuteqarneq ataatsimiititaliamit pitsaasutut isigineqarpoq. Taamatuttaaq suliniutit taamaattut ukiuni aggersuni pingaarnersiuineri sallinngortinneqarnissaat ataatsimiititaliamit akuersaartumik pissuseqarfigineqassapput.

Missingersuutinulli ilangussat nassiunneqartut pitsaassusissatut piumasaqaatinut naammassinninngillat. Taamaalillunilu makku amigaataapput:

1. Missingersuusiornermut malittarisassami 2008-meersumi imikkoortoq 5.4 naapertorlugu suliasami kisitsisit allannguutaat tabelinngorlugit ilanngunneqassapput.
2. Ilanngutassat tamakkerneqarnissaat eqqarsaatigalugu tusaasat pitanngorsarniarlugit pilataanissat pillugit paasissutissat kontomi pingaarnermi 30.10.45-mi missingersuutininut ilanngussami ilanngunneqassapput.

Amigaatit taakku missingersuutininut ilanngussat 2011-mi ilassutitut aningaasaliissutit pillugit inatsimmut ilanngunneqanninneranni iluarsineqarsimassapput.

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Olga P. Berthelsen  
Siulittaasoq